

今世能者一百八十人

明倫彙編

仁孝典

卷一百一十五

孝子

一、文獻

文獻

文獻

文獻

文獻

文獻

文獻

文獻

文獻

文獻

文獻

文獻

文獻

文獻

文獻

文獻

弘簡錄卷一百八十五

明刑部員外

仁和弘齋邵經邦學

皇清翰林院

講學士四世孫遠平校閱

文翰 宋十之四

歐陽修

子發榮 劉介附

宋祁

從父 準

曾鞏

祖致堯 弟肇

陳師道

劉敞

弟效從 子奉世

范祖禹

子冲

王安國

呂南公

歐陽修字永叔廬陵人四歲而孤母鄭氏守節親誨之學家貧

至以荻畫地學書幼敏悟過人十一再讀輒成誦及冠巍然有聲

是時宋興且百年而文章體裁猶乃五季餘習鏤刻駢偶渙忽

弗振學者固陋守舊論卑而氣弱目柳開穆修輩咸有意作興

而力不足修始游隨得唐韓愈遺藁於廢簾中讀而慕焉苦志

探賸至忘寢食必欲并轡絕馳而追並之試南宮第一登進士

甲科調西京推官從尹洙爲古文
既論當世事遂相師友與梅

堯臣歌詩相倡和名冠天下召入
爲館閣校勘高若訥不救范

仲淹修移書責之坐貶夔陵令稍
武成節度判官仲淹帥陝

西辟掌書記修辭曰昔者之舉非以爲利可同其退不可同其

進也久之乃復職進集賢校理慶曆三年擢知諫院值仁宗更

化大臣與諫官皆極一時之選修以言責自在風裁凜然帝虛

心延問咨所宜行事多張弛小人翁翁不便朋黨之論漸起修

恐善人不勝數爲帝分別言之
議載弘人以其論事切直嫉視

如讐帝獨獎其敢言而賜五品服
顧侍臣曰如歐陽修者何處

得來命不待試越次除同修起居注知制誥奉使河東議者欲

廢麟州以省餽餉修奏麟州天險發之則河內郡縣皆不安居

分兵駐並河諸堡緩急得以應援平時亦可省費于策爲

復又奏令民耕析代肯嵐禁地廢田朝廷從之歲得粟數百萬
斛凡罷河東重斂民所不堪者十數事還罷龍圖閣直學士河
北都轉運使至則區處官吏使能者盡力奏廣御河漕運造鎖
伏船以絕侵盜置都作于磁相一道兵械咸仰給焉富弼爲宣
撫使時保州亂兵已誅脅從二千人分隸諸郡弼恐生變欲同
日誅之與修遇于內黃語以故修曰禍莫大于殺已降况脅從
乎旣非朝命脫有不從爲變不弼弼悟而止未幾杜衍韓琦仲
淹弼等相繼以黨議罷去修慨然上疏略曰自古小人欲廣害
忠良必指爲朋黨欲動搖大臣必誣以顓權其故何也夫一善
人而衆善人尚在小人不以爲利必欲盡去之然後得以恣肆
而善人少過難于一一求瑕惟指以爲黨則可一時盡逐至于
大臣已結主知他事難以動搖惟專權上心所忌方可傾之今

社衍與韓琦仲淹富弼天下皆知其有可用之才而不聞其有
可能之罪一旦罷去使羣邪相與于內敵國竊笑于外臣竊惜
之疏上忌之者益衆因孤甥張氏獄傳致其罪左遷知滁州徙
揚州滯外凡十二年復官學士留守南京母憂除服召判流內
銓入見帝問勞甚至小人畏修復用乃詐爲修奏乞澄汰內侍
以激怒之出知同州吳充論救得免尋遷翰林學士充唐書表
志總裁奉使契丹特命四貴臣宴諭曰此非常制以卿名重
爾嘉祐二年知貢舉時士子尚爲險怪奇澀之文號太學體修
痛排抑之場屋之習爲之一變亦龍圖閣學士知開封繼包拯
之後簡易循理不求赫赫名京師亦治旬月改羣牧使唐書成
拜禮部侍郎封樂安郡開國侯兼侍讀學士修居翰林八年
知無不言會河決商胡宰相陳中主賈昌朝欲開橫壠故道

回河東流文彥博主李仲昌欲入六塔河議論不決修奏橫機
功大難成雖成將復決六塔狹小不能受全河旁郡必罹其害
不若因勢所趨增堤峻防疏其下流縱使入海此數十年之利
也臺諫論執中過惡修勸上不當拒忠言以庇愚相恐累盛德
狄青爲樞密使有威名帝不豫訛言籍修請出之手外以保
終始于是二人皆罷水災上疏請立儲宮言陛下當法漢之文
帝而以後唐明宗爲戒其後建立英宗實原于此五年拜樞密
副使與曾公亮考覈天下兵數及三路屯戍多少地理遠近更
爲圖籍凡邊防久缺屯戍者必加蒐補六年叅知政事會兵民
官吏財賦之要中書所當預知者集爲總目凡遇事至不復求
之有司與韓琦同心協定建儲大議英宗初立有疾左右交構
兩宮幾成嫌隙修奏太后事先帝數十年仁德著于天下昔溫

成之寵尚處之裕如今母子之間反不能容耶后意稍和修復
奏曰先帝在位久德澤在人故晏駕之日歸戴嗣君無敢異同
者不然太后一女子臣等五六書生天下誰肯聽從后爲默然
兩宮和好如故修自居執政士大夫有所干請輒而諭可否遇
臺諫論事必詰其是非以是怨誹者衆會濮議起修引喪服大
記謂爲人後者爲其父母服降三年爲期而不沒父母之名以
見服可降而名不可沒也若本生之親改稱皇伯歷考前世皆
無典據進封大國又禮無加爵之道御史呂海等詆修執議不
與衆同皆被逐惟蔣之奇議合薦爲御史衆因目爲姦邪之奇
患之思所以自解會修婦弟薛宗孺有憾于修造帷薄不根之
謗展轉達于中丞彭思永思永以告之奇露章劾之修杜門請
治神宗初卽位欲深護修因訪故宮臣孫思恭思恭爲之

帝使詰思永之奇問所從來二人辭窮坐黜修亦力求退罷爲
刑部尚書觀文殿學士知亳州熙寧二年遷兵部尚書知青州
修素以風節自持旣被污蟻堅乞謝事優詔弗許及守青以請
止散青苗錢爲安石所訴求歸愈切以太子少師致仕五年卒
年六十六贈太子太師謚文忠生平天資剛勁見義勇爲與人
言盡心無隱雖機穽在前觸發不顧放逐再三志氣自若始在
滁號醉翁晚更號六一居士學者求見與語未嘗及文章惟談
吏事謂文章止于潤身政事可以及物凡歷數郡多務寬簡不
爲苛擾故所至民便之其所爲文天才自然豐約中度立言簡
而明信而通引物連類折之于至理天下翕然師尊老篤于友
義生則振之死爲調護其家獎引後進如恐不及凡經賞識率
爲聞人若曾鞏王安石三蘇方布衣屏處人未能知爲游其聲

譽遂太顯于世。刻意好古。自周漢以降。金石遺文。斷編殘簡。一切掇拾。研稽異同。立說申證。爲稽古錄。所撰五代史法。嚴詞約多。春秋遺旨。軾敘其文。曰論大道似韓愈。論事似陸贄。記事似司馬遷。詩賦似李白。識者以爲知言。子發字伯和。少好學。得父之傳。師事胡瑗。聞古樂鍾律之說。文詞議論。獨探古始。自書契以來。君臣世系。制度文物。旁及天文地理。靡不悉究。不治科舉。以蔭補將作監簿。累遷殿中丞。卒。軾哭之。稱爲蔡伯喈張茂先之流。裴字叔弼。廣覽強記。能文辭。年十三。見修著鳴蟬賦。侍側不去。修撫之曰。兒異日能爲吾此賦否。因書以遺之。以陰爲秘書正字。中乙科。調陳州判官。因親老不仕。父卒。代草遺表。如其自作服除。爲審官主簿。累遷職方員外郎。知襄州。以修曾布婦兄。魏泰徙知潞州。元符末。還朝。歷吏部右司郎中。直秘閣。

蔡州坐黨籍廢 有安福人劉弁字偉明幼警穎目誦萬言
登元豐進士宏詞二科知峨眉縣改太學博士元符中有事南
郊進大禮賦哲宗稱善除秘書正字徽宗改著作佐郎實錄院
檢討性嗜酒不事拘檢爲文辭剗剔瑕類卓詭不凡以疾卒有
龍雲集三十卷周必大推重之序其文以爲自歐陽修後可續
正傳云

宋祁字子京與兄庠皆善屬文登進士調復州軍事推官改大
理寺丞國子直講試直史館遷太常博士同知禮儀院言李照
之樂以縱黍累尺比之李宗諤燕肅所言太常樂律下五聲鐘
磬下兩聲其律不相應降黃鍾爲太簇君實寄於臣不可以事
天地宗廟乃詔祁詳定而罷之語具載樂志遷工部員外郎同
修起居注權三司度支判官疏言朝廷大冗有三願罷僧道及

尼不受戒者。可得耕夫織婦五十餘萬。驅廂軍不在籍者。歸于南畝。又得力耕。凡數十萬。郡縣庶官。明立限員。其門廕流外貢舉等科。實置選限。稍務擇人。俟有闕官。計員補吏。斯三者。去冗之道也。又有三大費。道場齋醮。無有虛日。京師寺觀。多役卒徒。三倍他處。大臣罷黜。濫除節相。坐靡邦用。願自今天地宗廟社稷百神犧牲玉帛之外。一切停革。其非當邊要及無師屯者。不得建節。已帶節度。不得留置近藩。及京師。斯三者。節費之道也。若乃躬服至儉。風示四方。衣服起居。無踰舊規。後宮珠綺。不得妄費。則天下響應。民業日豐。人心不搖。師徒可舉。蠢爾西北。在吾掌中矣。徙判鹽鐵勾院。同修禮書。爲太章閣待制。兄庠罷出知壽州。徙陳州。還知制誥。權判流內銓。除翰林學士。與晏殊親密。遇中秋啓宴。出妓樂飲酒。賦詩翌日。殊罷相。祁草詞極詆時。

論薄之改提舉諸司庫務數釐正弊事增置勾當公事官其屬
言利害者皆先稟度可否而後議於三司著爲令徙知審官院
兼侍讀學士史館修撰修唐書專制列傳遷右諫議大夫充牧
使元昊與契丹相攻交來獻捷命祁館伴遼使耶律褒等妄自
誇大祁語以西人俘獲官名遼使駭愕而罷景祐中應詔言人
主不斷是名爲亂有三患焉與賢人謀而不肖者斷之重選大
臣而輕任之大事不圖而急小事故春秋書隕霜不殺菽其意
主於彊君威別邪正急先務也語皆切中時病會張美人進封
貴妃祁當制冊告不俟旨又不送中書徑取官告院印封以進
坐落一職出知許州數月復原官祀明堂遷給事中兼龍圖閣
學士復坐子從張彥方游出知亳州歲餘徙知成德軍充本路
安撫使河北騎軍雖多常患馬少祁請復唐馳幕之制弛河東

陝西馬禁聽民間買賣益募步卒弩居十五弓十三槍刀十二
轆車掘塹騎精步銳敵人畏之居五月徙定州上言天下根本
在河北河北根本在鎮定其人恥怯尚勇好功忘死殆天性然
也故論兵不得不先河北謀河北捨鎮定無足議者今朝廷先
陝西河東而後河北非計之得西賊兵銳士寡不能深入河東
天險彼憚爲寇若河北不然自薊直視勢同建瓴一鼓而前如
行筦輅今陛下欲兵之強必多積穀與財欲士訓練必善擇將
帥欲人樂鬪必賞重罰嚴欲賊顧望不敢前必使鎮重而定疆
夫鎮定一體也自來常爲一道師專而不分故定甚其習則鎮
擣其脅勢之自然耳今判而爲二平時號令文移尚不相謀脫
若臨事尚肯任其責邪臣請合爲一路領以將相大臣河東馬
疆士習令與鎮定表裏列將在陝西河東有功狀者得遷鎮定

賦若深入。以河東健馬佐鎮定精兵。權一而責有歸。策之上也。前後論事多施行。卽不行亦降詔褒答。又上禦戎論七篇。凡敵之山川道路國俗嗜好與其君臣向背及兄弟不相能後必殘覆其言若合符節。加端明殿學士吏部侍郎知益州。尋除三司使。時兄庠方執政。司諫吳及發其家人在定。貸公使錢中丞包拯。又言祁在益部多游燕。乃出知鄭州。祁出入內外十餘年。所至以唐書橐自隨。及成遷左丞。進工部尚書。以羸疾請醫。入判尚書都省。踰月拜學士承旨。遇入直許一子扶侍。尋爲羣牧使。封常山郡開國公。卒年六十四。遺奏切諫五事。其一言東宮虛位也。自爲誌銘及治戒以授其子。自言學不名家。文章僅及中人。不足垂後。爲吏在良二千石下。慎勿請諡及受贈典斂葬。及期無爲流俗拘忌。子男十四。定國進士終太常博士。靖國彥國。

國子博士惠國虞部員外郎輔國奉國祚國右贊善大夫順國
大理寺丞佑國秘書正字亮國保國大理評事嗣國俊國廣國
皆太祝諸孫亦衆祁性明果所至以嚴肅稱論事蹇蹇無所迴
避而於兵若素習然清約莊重不及其兄故不至公輔預修籍
田記集韻并撰大樂圖二卷文集百卷後因門人范鎮學士張
方平言贈刑部尚書諡景文從父準字子平祖彥升庫部員
外父鵬祕書郎開寶中學士李昉知貢舉取舍失當太祖覆試
便殿見準形神偉茂程文敏速擢以爲冠授祕書郎直史館預
修諸道圖經奉使契丹還知太平州加著作郎累遷金部郎中
卒年五十二爲人美風儀善談論辭采清麗蒞官所至皆有治
聲李穆坐盧多遜同門黜左右無敢言者準因奏事盛言穆長
者有檢操常惡多遜專恣恐非其黨上寤復穆官時論稱之天

禮三年錄子大年試校書郎從子可觀金部郎中

冊曰文忠大手景文巨筆共扛鼎俎悉用全力一言見道可垂典則唐史之成才不逮識事增文省祗見其感鑒觀斯言莫易指摘

曾鞏字子固南豐人三世兄弟皆登進士祖致堯字正臣解褐符離縣簿梁州錄事參軍遷著作佐郎直史館收秘書丞出爲兩浙運使俄徙知壽州轉太常博士性剛率好言事屢上章奏辭多激直真宗遷主客員外郎判鹽鐵勾院張齊賢薦其材堪任詞職未果奏爲涇原環慶經略判官改戶部員外郎抗疏自列詞旨狂躁黜爲黃州副使未幾復改吏部員外歷知泰泉蘇陽鄂五州祥符中至禮部郎中卒年六十六平生頗好纂錄所著有仙臆羽翼廣中台志清邊前要西陲要紀爲臣要紀凡百

六十餘卷父易占知如臯縣輩生而警敏授書數百言脫口成
誦年十二試作六論援筆而成辭甚富偉甫冠名聞四方爲歐
陽修所稱初調太平司法參軍召爲館閣校勘集賢校理實錄
檢討官出通判越州罷鄉戶牙前應役歲饑常平不足鞏諭告
富人出糴稍增其價貸民種糧隨秋賦納民賴不乏轉知齊州
以疾姦急盜爲本曲堤周氏子高賊良民汙婦女奢僭服器縱
橫里中章丘民聚黨號霸王社椎剽村落輩悉寘于法又使民
出入保伍相譏有盜鳴鼓相援每發輒得盜葛友名在捕中一
日出自首鞏飲食之假以衣冠騎從今徇四境盜聞爭自首由
是外戶不閉每歲發民濬河初按籍三丁出一輩括其隱漏至
九丁取一自長清抵博州以達于魏池無名渡錢爲橋省六得
舍人以爲便徙襄及洪州過歲大疫命縣鎮亭傳悉儲藥待求